


釋

史


卷百四十八至百五十

緯史卷一百五十一

天象圖




圖北




渾天圓體南低北昂北極常見不隱南極常隱不見赤道
 當二極之中自赤道以南天體漸狹舊法合爲一圖而赤
 道之衆星反闕失其位置矣故分爲二圖其南極圈內之

諸星中國所不見姑闕疑焉至列宿分度今古不同測變
 移易理固然爾歷數占候自有術家之學非所敢臆奪也



圖南




此圖乃南圖之圖也。其圖中各星之位置，皆與今之南圖無異。其圖中各星之位置，皆與今之南圖無異。其圖中各星之位置，皆與今之南圖無異。

分野圖

卷一百五十一 三

周官休章氏之職其書已巳晉志郡國入度非古數也十二
 次分星見於史漢世紀與近世之廣狹過度不同大約歷數
 家測驗不相遠也據左氏內外傳武王克商歲在鶉火故為
 周分文公即位歲受賁沈故為晉分歲淫玄枵衝於鳥帑周
 楚惡之故鶉尾為楚分星見大辰知宋將火故大火為宋分
 然有可疑者星紀北而吳越南井鬼南而嬴秦西危虛在北





齊表東海降婁實酉魯宅曲阜或以受封之日歲星所在爲
 說然有絕而復續者前星猶可據乎況三卿未分晉當何區
 秦拔西河魏當何屬周未遷東何故已直鴉鳥陳滅由楚何
 自而八韓分且中國幾何戎裔蠻貊豈星日所不臨哉天道
 在西北而晉不害然豈實衛晉何以吉越得歲而吳伐之
 然吳越同域吳何以凶衛既屬水何以知與宋鄭陳司火且
 額頊之虛姜任守其祀是又齊薛之分矣若此之類多不可
 曉是知分野之說似未可執一而論也


閏餘圖

歲法三百
五十四日
三百四十
分

日法計九
百四十


歲餘法萬
二百二十
七分

月法二萬
七千七百
五十九分



日日行一度月日行十三度十九分度之七周天三百六十
五度四分度之一故日一周天爲一歲歲十二月而無整數
故以閏月定四時三歲一閏五歲再閏及十九年而餘一百
九十日一萬五千七百十三分以日法除之共得二百六日
六百七十三分爲七閏之數是謂一章然必以十九歲而無
餘分者蓋天數終於九地數終於十十九者天地一終之數
積八十一章則其盈虛之餘盡而復始以此定四時而歲功
成矣


日行中道永短圖



天包地外也
 居天中天月
 地上者一百
 八十二度半
 疆入地下者
 亦一百八十
 二度半疆天
 體南低北昂
 南北二極持
 其兩端日月
 星宿斜而回
 轉

天體隆曲南北極相去一百八十二度半彊二極中等之處
謂之赤道去南北極各九十一度春分日行赤道從此漸北
夏至赤道之北二十四度去北極六十七度去南極一百一
十五度日行黑道從夏至以後日漸南至秋分還行赤道與
春分同從此漸南冬至赤道之南二十四度去南極六十七
度去北極一百一十五度其日之行處謂之黃道又有月行
之道與日道相近交路而過半在日之表半在日之裏其當
交則兩道相合交去相遠處兩道相去六度此謂日有中道
月有九行之大略也日循黃道東移一日夜行一度三百
六十五日四分日之一而周天行東陸春南陸夏西陸秋北
陸冬以成寒暑之節四陸者四方之宿黃道之所經非圖中
之南北陸也北極出地三十六度去天之正中五十五度
又南十二度爲夏至之日道又南二十四度爲春秋二分之
日道又南二十四度爲冬至之日道又南去地面三十一度
而已是夏至日去北極六十七度春秋分日去北極九十一
度冬至日去北極一百一十五度而去南極六十七度亦如
夏至日之去北極也夏至日之去南極亦如冬至日之去北
極也

月行九道圖



日有中道月有九行合以陰歷陽歷之說推之凡月行所交

以黃道內為陰歷外為陽歷冬入陰歷夏入陽歷月行青道

冬至夏至後青道半交在春分之宿當黃道東立冬立夏後青道半交在立冬之宿當黃道東南至所衝之宿亦如之冬入陽歷夏入陰

歷月行白道冬至夏至後白道半交在秋分之宿當黃道西立冬立夏後白道半交在立秋之宿當黃道西北至所衝之宿亦如之春入


陽歷秋入陰歷月行朱道春分秋分後朱道半交在夏至之宿當黃道南立春立秋後朱道半交在立夏之宿當黃道西南至所衝

之宿亦如之春入陰歷秋入陽歷月行黑道春分秋分後黑道半交在冬至之宿當黃道北立春立秋後黑道半交在

立冬之宿當黃道東北至所衝之宿亦如之四序離為八節至陰陽之所交皆與黃道


相會故月行有九道所謂日月之行有冬有夏也

月晦朔弦望圖



天有十二次日每月行一次月每月行周天復過一次故日月相會每月移一次也如正月會於析木二月日行過大火月一周天復行至大火故二月會於大火其餘放此月本無光日耀之乃爲光光之初生如釣日在其西去日漸遠光漸增八日爲上弦十五日日月相對爲望望後去日漸近光漸減二十三日爲下弦光之將盡日在其東遂會而爲晦也是以未望以前載魄於東旣望之後生魄於西月遡日以爲明知日之耀月以爲光也

五星周天圖



凡五星東行為順西行為逆趨舍而前為盈退舍而後為縮
近日則伏遠日則見光明滅不定曰動光明出而生鋒曰芒
芒長曰角長而徧出曰暈同舍曰合同宿曰聚其行木星近
日則遲遠日則疾火星近日則疾遠日則遲土星平行無太
遲疾金星水星附日而行此大槩也

五星圖